

如阜縣志

卷一	地理志	山川	沿革
卷二	職官志	職官	選舉
卷三	學校志	學校	文獻
卷四	風俗志	風俗	禮俗
卷五	經濟志	經濟	賦役
卷六	藝文志	藝文	雜錄
卷七	雜錄	雜錄	雜錄

如
皇
興
飛
飛
志

續修如皋縣志序

嘗攷周禮土訓掌地圖誦訓掌
方志所以紀山川之形勝物產
之蕃滋民俗之媿惡此一統志
省志郡志外縣志所由昉也然
各志括其全而事略縣志採其

實而事詳若歲月遷移文獻散
佚他時欲諮訪蒐輯不幾嘆考
鏡無資乎皋志自嘉慶九年前
令楊君受廷修後已三十餘年
矣其間因革損益發潛闡幽之
事不能不亟為採擇以備一時

之掌故丙申夏邑中紳士呈請
續修余雖以弗文滋懼而又深
幸其贊襄厥事聿觀厥成也於
是延書院山長吳梅孫孝廉主
其事邑士之博雅者分任之不
狗私而失之濫不苛求而失之

刻凡忠孝節義之扶植彞倫文
章政治之炳蔚典冊與夫古蹟
冢廟之廢興風土人情之利弊
無不詳加釐定網羅而編次之
閱一歲而書成其庶幾文質相
輔而為後人所徵信者歟余思

皋邑為胡安定先生講學之鄉
如王龍圖學士之剛正許忠愍
公之烈節俱載在史冊昭如日
星他若代生傑士儒素相承迄
於今流風餘韻猶有存者余承
乏其間行已七稔見夫風土清

美其君子崇禮教而尚氣誼其
細民勤力穡而樂安全閒有飾
詐健訟之風亦返淳而還樸豈
非深被


聖朝之德澤涵濡休養生息之所致

哉時

道光十七年歲次丁酉冬十一

月長至後三日知如皋縣事

滇西范仕義撰



纂修姓氏

主修

文林郎知如臯縣事甲戌進士滇西范仕義

監修

如臯縣教諭拔貢穎上 汪承基

如臯縣訓導舉人古欵 項黻

如臯縣主簿桐城 姚城

如臯縣典史雲夢 程勳

纂修

乙酉舉人揀選知縣儀徵 吳鎧

協修

如臯縣續志

銜名

一

舉人大挑知縣安徽蒙城縣教諭邑人姚 騶

候銓知縣邑人 徐堯章

增廣生員邑人 鄧國光

議叙八品監生邑人 胡萱生

廣東南雄直隸州知州邑人 黃 錡

生員邑人 石 和

候銓從九品邑人 徐 珠

拔貢生侯銓教諭邑人 沙增齡

恩貢生候銓教諭邑人 陳 烺

恩貢生候選教諭邑人 冒兆鯨

舉人候選教諭邑人 吳連茹

舉人揀選知縣邑人

張烜

廩監生邑人

石灃

舉人原任河南正陽縣知縣靜海人李新林

副貢生候銓教諭邑人 劉金綸

附貢生候銓典籍邑人 吳亮

舉人寶山縣教諭邑人 顧鈞

進士禮部主事邑人 顧暄

舉人覺羅官學教習候選知縣邑人宋繩治

舉人揀選知縣邑人 石崇高

舉人揀選知縣邑人 范景瑗

校訂

如臯縣續志

銜名

二

生員邑人

史英

如臯縣續志目錄

卷一

建置志
城垣 寺觀 橋 市河 濠河 官署 倉廩 公廨

卷二

賦役志
蠲免 荒賑

卷三

學校志
書院 社學

卷四

秩官志

卷五

選舉志

如臯縣續志

目錄

一

卷六

名宦傳

卷七

列傳一
人物 孝友 文苑 宦績 武勳

卷八

列傳二
耆壽 義行 方技 隱逸 流寓

卷九

列女傳
貞女 節婦 貞壽

卷十

藝文志

卷十一

古蹟志 宅 園 館 書塾 墓義塚附

卷十二

祥祲志

如皋縣續志

目錄

二

如臯縣續志卷一

建置

以上載前志

事貴初始尤難善繼可久之業有勇之義惟懷永圖續志建置

城垣

道光十五年知縣范仕義率紳士黃錡胡萱生吳新畚賈秉韶等重修供設神像於譙樓東奉梓潼魁星西奉呂祖南奉關帝北奉眞武邑人捐輸出力各詳請議叙有差

市河

道光六年知縣托克托布率紳士黃豐張灝胡萱生石和

如臯縣續志

卷一

建置

一

挑濬

濠河

嘉慶十三年知縣左元鎮率紳士開濬東南菱池支河直通南北較深龍游河五尺使水不駛江蓄水運鹽按濠河北接淮流東南逕通界入海南通龍游河盧志載龍游河兩岸沙弱善崩河水下注南流最駛潰洩終不可支議者欲於潮水將盡處築一石碇又於河口附城處築一板閘時其蓄洩以資灌溉碇取平水則江湖有容受之區閘取障水則河流無乾涸之虞此萬世之利也後繡水李尹於柳家閘建立石碇初碇在江口日久江勢南坍碇去江面四十餘里乾隆五十三年知縣

譚大經移礎於近江扇面圩礎之上流先有土墩港桑木橋石庄鎮南前河後河雙水洞等處未曾堵蓄潰洩分流礎成空設近因磨頭以下河道淤淺舟行阻滯商民弗便必須挑濬並於河口建閘及柳家閘復設石鍵以爲潴蓄宣洩之計其於水利乃有備無患也

官署

縣治道光十三年知縣范仕義重修

按宣化安業二坊舊在縣署左右後廢十一年重建二木坊圍以柵欄顏曰古鄖舊治南充分疆

縣丞署道光十二年奏請裁汰間冗缺裁奉文估變

典史署道光十一年典史程勸重修

如臯縣續志

卷一

建置

二

石莊司巡檢署嘉慶二十五年巡檢孟承傳捐建川堂隸

舍道光十六年巡檢周大淳捐修頭門儀門土地祠照壁

倉廩

豐備倉在李家堡東街周佩華捐住宅十五間倡建彭世壽捐錢五十千助改作之費鹽賈馮楷捐稻六百石里人褚長年仲貽澤各捐稻二百石存倉叢乃甸仲振威仲振基仿蘇城一文愿勸捐以籌其後

演武廳嘉慶二十五年邑人陳清泰鄧汝寬等募置南門外茶庵頭田十畝西向建廳屋三楹

公廨

養濟院道光十二年知縣范仕義重修

普濟堂按堂房年久欹側風雨飄零殘缺不完道光十一年知縣馮思澄履勘估修飭令併屋整頓計修大門三間二門五間廳屋三間觀音殿三間南北羣房三十二間半共房四十六間半續遭驟雨傾圮現在議修沙田濱江漲坍不一計東沙普濟圩成租田一千三十四畝四分三厘四毫五絲又坍存額租田二十七畝五分五厘西沙額租田三百七十五畝五分五厘九毫新增堂後基地每年租錢六千四百文范元琳原捐草田租草五百五十束新增租錢六千四百文

如皋縣續志

卷一

建置

三

育嬰堂嘉慶二十二年知縣王鳳翥移建武定橋西南

道光十一年鄭彭氏捐北蘇家庄田二十三畝每年預租錢一十七千文

繼善堂在北極門內道光十一年邑紳黃錡等仿照蘇寧善堂呈請創建偕葛葵原等鄉城集捐收掩水陸斃屍知縣馮思澄通詳准行十四年籌款建堂知縣范仕義給示勒石

田產

附

何薛氏捐符楊庄田五十三畝五分租錢十六千蔣穆堂蔣懷堂捐段家庄田七十八畝租銀二十八兩四錢租錢二千八百文蔣介繁捐張家庄田十七畝租錢十

六千九百四十文張學鴻捐掘港西北田三畝租錢二千四百文冒春鳴捐薛家園實田四畝一分租錢四千八百文季承宗捐羣北庄田八畝租錢四千八百文徐符氏捐羣北庄田十五畝租錢五千文蔣鳴崗捐東陳田十畝租錢四千八百文孫玉琰捐東陳田十六畝租錢四千八百文李峻山捐羣北庄田八畝 錢四千八百文季文安文彘捐羣北庄田八畝租錢三千文宗必玉捐湯家灣田三畝五分租錢三千五百文僧祖恒捐水竹園田二十五畝租錢十八千文葛杏圃捐葛家庄田七畝五分租錢四千文丁沈氏等捐陸家淺陳家庄田十畝租洋十二元孫寶廷捐東鄆庄田十七畝草房

兩間租麥租荳六石莊國珍捐丁堰下洋庄田七畝租錢二千文錢世棋世柱捐丁堰錢家庄田二畝租錢七百文周進選捐楊家庄田二十五畝租錢四千文蔣穆堂捐段耀宗抵田八畝租錢三千二百文劉裕愷捐銀杏樹北港田二畝租錢一千五百文薛雲松捐薛家庄田六畝租錢六千文丁萬盛捐東門外瓦店房三間月租錢七百二十文孫應桂捐福興庄田十二畝租錢四千文僧輝德捐東陳田四畝租洋五元五角霜甸王可文等捐本鎮各戶公置蓮花池田十六畝租錢八千八百文祝晴峯捐霜甸橫港田九十六畝租穀分收薛正裕捐薛家庄田十四畝實租錢三千六百文公置孫公

舖陳家庄等處田九十畝一分半租銀三十四兩八錢
租錢五十千文又王家庄田十畝租錢十千文又袁家
橋田四十八畝五分租洋三十元又孫公舖東何家庄
港南田二十畝租錢三十二千文又黃浦溪范家庄田
三十二畝租錢三十六千文又范家橋圈門內瓦房三
十五間半改爲繼善堂公所共計捐置田六百七十三
畝二分五釐租錢二百五十七千四百六十文房租七
千二百文租銀六十三兩二錢租洋四十二元五角小
麥黃荳六石外祝田分收葛東美捐劉家庄田七畝_{分收}
同仁堂在西李家巷先是邑人顧德也邱鶴峯馮旭光姚
垠等月收零捐施棺賑粥未有定所萬登三沈金輅顧
雲臺邱應鐘繼之嘉慶二十一年捐置堂房萬廷輝劉
本初購堂東隙地建文昌宮設字紙局

田產

沈金輅捐北洪家庄田四十九畝租錢四十八千文又
焦家橋西店房七間租錢廿八千八百文姚垠馮旭光
萬登三宋鑑顧雲臺共捐銀八百二十八兩置買范家
庄田十二畝又田二十六畝五分共租銀二十八千文
又道士庄田二十畝七分租錢十七千文又袁家橋田
三十八畝七分租錢四十八千文

一善堂在東薛家池西靜海李新源李新魁李新喬李新

泉邑人冒秉善冒秉禮孫鵬萬宋敷文熊程萬李京周

王鴻杜慎齋劉建軒黃湖等捐建購材施棺孫廷贊捐
資勸事

留養堂在廣福寺後道光二年洪雲崑黃康安沈春陽石
岳峯等募捐創建收養老人四十名先後捐置田產職
員丁繼光監生丁斗光捐田價銀二千兩以上以充經
費

按丁繼光兄弟寶光樸光先後亡故家不中資兩孀三
孤同居共炊爲嫂氏弟婦具請

旌節在縣南明覺菴建濟急所復同弟斗光捐銀二千兩
以上爲留養堂備置恒產知縣馮思澄以樂善好施上
其事

旌表建坊

田產

丁繼光捐焦家渡田四十五畝租錢三十九千九百文
顧家庄田八十七畝租錢三十三千六百文丁斗光捐
北周家庄田三十六畝租錢三十四千五百文又南朱
陳家庄田五十三畝五分租錢三十四千四百文又南曹
家庄田七畝租錢五千六百文范綸捐東掘港蕭家馬
頭田八畝租錢九千文冒秉禮捐北鐵黎壩田六畝爲
義塚宋綱捐西徐家園田四畝租錢三千二百文張鎬
捐西北高家塚田十畝租錢二千文奚德臣捐南奚家
庄田五畝租錢三千二百文陸張氏捐南陶家庄田六

畝租錢二千四百文丁繼光斗光合捐南朱陳庄田三十畝租錢二十千六百文阮典文捐南朱陳庄田三十畝租錢十八千文吳芷香吳麗泉吳芹香合捐南朱陳庄田五十畝租錢三十千文曹驥良捐東錢家庄田十三畝七分租錢四千八百文僧勤耕捐西北劉芳庄田十二畝北張家庄田九畝南朱陳庄田二畝共租錢十八千六百文宗必全捐南朱陳庄田十九畝租錢九千文田惟益捐南郭家舍田四畝租錢一千六百文吳夏氏捐朱陳庄田六畝租錢五千文沈劉氏捐南許家埭田五畝租錢一千六百文

濟急所在縣南馬塘鎮明覺庵丁繼光洪雲崑仇宏級奚

有龍丁斗光阮登欒等就於菴內捐建住屋十二間收養無依疾病憑同地保查明來歷延醫診視病痊聽其他往死則殮埋義塚記其姓名年貌以憑親屬認領道光四年知縣托克托布通詳有案

田產

本堂捐置王林庄田四十七畝租錢二十八千文又田六畝租錢四千文仇宏級捐薛家田田九畝租錢三千八百文又小邵家庄田九畝租洋十元陳復堂捐奚家庄田三畝租錢一千六百文賈鳴鳳賈鳴鷺賈鳴鶴賈鳴鷹捐施家庄田三十一畝租錢九千七百文洪朱氏捐蔣家堡田四畝租錢二千二百文丁斗光捐薛家田

田六畝租錢四千八百文

周急所在縣東婁師舖河西冒士杰冒士寬張崧岑婁涔
丁盛遠丁盛耀丁盛功侯永興侯金玉陳珍玉陳鶴林
丁遠輝等公建留養貧病收埋路斃流屍道光十五年
知縣范仕義通詳有案

同仁堂在掘港場嘉慶十五年里人王有芳楊彩田募建
續經徐趨成管廷梧吳壽民繆玉成馬求成等多方勸
捐收養乞丐捨藥施棺主簿姚城移請縣案勒石一時
鰥寡無依年七十以上者給與月費仿照繼善堂章程
收埋浮屍路斃並詳請州憲立案

知縣范仕義叙自來王道必本於人情準乎人情之宜
如臯縣續志 卷一 建置 八
卽合乎天理之正然其間有盈虛消長之數要必捐有
餘以補不足始可扶其衰以救其弊是在維世之君子
與夫濟物之仁人臯邑之東惟掘港爲巨鎮舊有同仁
堂爲荒年賑饑而設其後則踵行善舉施藥餌以起沉
疴置樁木以免藁葬闢義塚以歸無主造水龍以脩不
虞兼之養老則老有所終育幼則幼有所遂噫嘻凡此
皆仁人君子之所爲其用心亦良厚矣惜經費不敷司
事者難以籌辦不幾有中廢之虞乎時皖桐侶梅姚君
分防於此與都人士持興復之議卽舊規而恢廓之羣
樂相從捐輸者爭先恐後使將廢之局煥然而新其慷
慨慕義爲何如哉因相商於余曰邑內近有繼善堂之

舉已奉文允准掘港僻在一隅其一切章程可仿而行之不亦善乎余曰是誠事之不可緩者邑之近者可行邑之遠者亦無不可行四境之內不乏樂善好施之家若南鄉北鄉西鄉亦仿而行之則救災弭患哀死問疾養老慈幼矜孤恤寡無不可推此而就理也記云人情者聖王之田也仁人君子體夫人情之所不容已而適當乎天理之本然而各得其所故觀於鄉而知王道之易易也至於此猶以爲衰之不可扶弊之不可揀豈情也哉

主簿姚城記古者康樂和親爲一書睦婣任卹爲一書美哉治乎其始哀有餘補不足其後遂革澆薄而登善

良仁厚成風獄訟衰息胥是道也小補云乎哉臯東北枕大海其土地斥鹵其民性誠樸敦宗睦族里中有善舉爭趨赴之恐後其俗然也故稱易治庚寅之秋余始承乏茲土旣來之期年樂其政之簡而忘余之陋也暇則從其士大夫問治之所急僉曰向有同仁堂之設始因歲飢釀金以給饘粥後遂因而爲散藥施棺修火政諸善舉顧其規劃徒存度支告絀非急爲籌策事且中廢夫良法美意漸將湮沒甚非前人創建之心也乃始與二三君子講求其節目恢廓其宏綱將積少以成多爰家喻而戶曉旬日之間里人踴躍樂施既有以合已成之轍而又以其贏餘調恤鰥寡之老而無告者積以

歲月將見慕義者接踵而至經費不慮其未充善事不虞其坐廢則凡可以盡痼瘵之念而補氣數之偏者又不患其不次第舉行憂者以喜怠者以奮既而知其事之可久也咸來請記於余余曰王政治於一鄉一鄉之中苟能脩緩急救患難哀死問疾恤老憐貧推此而理而猶謂俗之不醇治之不古必不然矣諸君子所以講明而切究之者非謂是歟雖然前人有未盡之心後人有當盡之事實心以行其事底於有成此前人有待於今人也隨事而盡其心期於美備此今人又有望於後人也諸君子黽勉從事其益求補救之方與夫愷悌之術行見由睦婣任恤以蘄至乎康樂和親俗美風良家給人足夫而後善之所成也大而仁之所行也廣此則諸君子推已及物之明效大驗而亦守斯土者之幸也夫是爲記

田產

本堂地基廳房原買價二百九十二千置九總草熟田六十二畝呂瑞柳堂捐堂前地一垵許應衡捐長安坊市房四間鮑有恒捐永盛坊市房四間張慶咸堂捐永盛坊市房九間鮑聲遠捐饒家渡河南田十畝王劉氏捐社廟東田十三畝七分半孫玉龍捐三總田十畝馬求成捐六總熟田二塊又三總草田二引管必兀捐五總田一段耿宏亮捐葛家埠田四畝馮盈達捐九條巷

草田十二畝馮琴南捐苴西馮家庄草田一塊周學年捐九總草田一塊租錢十千文鮑善長捐鮎魚灘草田十二畝租錢六千四百文葛盈紹捐十一總蕩尖二段租錢五千六百文張桂芳等捐堤外地東西二百二十丈南北十四丈爲義塚

恤嫠局舊附義塾月收零捐贍給貧苦嫠婦三十餘名

道光十七年胡萱生石和陳煥沙增齡徐珠張烜劉金綸議將義塾附義學勸捐置備恒產專局恤嫠一時尚未有公所云

田產

仲貽祚捐古河壩田十六畝租銀二十二兩

如臯縣續志

卷一

建置

十一

節孝祠撥送租錢十六千文

沈輅春捐馮家堡田八畝租錢四千四百文

周徐氏捐周家凌田十畝作施價錢一萬二千租錢二千四百文

張春陽捐豐利壩楊家庄田六畝租錢五千文

丁惟德同子遵山捐岔河吳家庄田十畝租錢六千文

吳方來捐岔河吳家庄田十二畝租錢六千文

叢性南捐洋錢八十元置蔡子汪田廿一畝租錢十千

零捐公置何家堡田五十一畝租錢四十千文用價二百四十千文

議有回贖俟價到日另置又支家庄田四畝二分租錢六千內義學錢五千

葛葵原倡衆捐錢一萬一千零六文

許德新 四百

沈梅垞 每年捐錢二十千文

黃賡颺 每年捐錢五千四百文

祝晴峯 每年捐錢五千文

鄧潤玉 每年捐錢三千六百文

馮禮南 每年捐錢三千六百文

吳衡漳 每年捐錢二千四百文

又零捐公置大缺口田八畝租錢八千

丁繼光 捐錢一百千買田歸欸

孫逸岑 每年捐錢千八百文

如皋縣續志

卷一

建置

十二

按義塾變價得錢四十六千四百文置支家庄田三畝五分租錢五千文以備義學歲修蓋不欲沒所自來也

懷遠堂在霜甸鎮北洋漲菴道光十一年王可文尤學震

王鴻吳漳吳蔚軒吳家魁王希仁吳國槐尤雲亭等募

捐設立施棺局備置田產稟縣請示有案

田產

一置買戴家庄田五十三畝租錢三十四千四百

一置新港田三十七畝租錢十二千八百

一尤開成捐吳家堰田八畝

一王可文捐吳家庄田十六畝又新港田二十八畝爲

義塚

橋

玉帶橋道光十四年邑人石和捐修

按射圃前文曲溝爲鬢宮外映舊有涵洞直通泮池灌注淮流上架玉帶橋地脉一線秀氣所鍾洵邑中之文藪也

延慶橋在治東門外老壩頭舊名惠濟架木爲之年久朽壞道光十六年邑人汪亮臣易以石

知縣范仕義記略皋城四面環水西引淮流南通江潮東至於海其水由北而東者有通濟橋由南而東者其橋以惠濟名二水自老壩頭合焉通濟向斃以石頗堅固惠濟則架木爲之歷久不支其勢使然也且此地舊

如臯縣續志

卷一

建置

十三

以舟渡自前令左君挑濬河渠邑之紳士張君灝等始議泐爲此橋迄於今三十餘年矣風雨剝蝕漸就傾危行人惴惴失墜余曾過此心竊憂之爰相度河干欲分俸倡捐俾令易木以石以爲一勞永逸之計尚慮工費浩繁一時不能集乃事觀厥成也適有生亮臣慨然應命一人獨肩任之其勇于好義有足多者是役也計費二千緡閱數月而告竣余見兩涯石砌整齊牢實鼉梁偃月虹影卧波往來之人歌利賴焉因改名延慶亦以溥惠澤于延洪而知積善者必有餘慶也彼世之見義而不勇爲者亦可以知所勉矣余故樂爲之記

百興橋在潮橋鎮嘉慶二十年朱清源獨建

新橋在曹橋西北花家庄

向善橋舊係木橋在石庄鎮南大街道光七年朱嶺桂鄭訓常王步蟾張日瑞等捐貲募建石橋邑進士朱琦爲之記

登豐橋在豐利場街西

高橋在白蒲鎮東鄉一名顧家高橋

陸家橋在縣東北十八里

壇廟

先農壇道光十五年知縣范仕義重修建正屋三間東西更衣所各一間大門一間

文昌宮前經陳啟道募修闢門北向作小樓二間爲左右

如臯縣續志

卷一

建置

十四

翼俯瞰城闈烟景千家登臨憑眺風景無邊盧志謂江樓月色爲勝景之一寺僧本賢發願重整觀音張仙二殿建廳屋三楹置香火田若干畝嘉慶十五年盡出經費重修大樓道光十六年徒覺根移建財帛司於東壁道書載張仙財神爲梓童化身併祀一廟循其舊也

劉猛將軍廟道光十一年知縣范仕義重修

按怡菴雜錄云宋理宗景定四年三月八日勅曰國以民爲本民實本於干城民以食爲天食尤重於金玉是以后稷教之稼穡周人畫之井田民命之所由生也自我皇祖神宗列聖相承迨茲奕葉朕嗣鴻基夙夜惕若邇年以來飛蝗犯禁漸食嘉禾宵吁懷憂無以爲也黎

元怨咨未如之何民不能祛吏不能捕賴爾神力掃蕩
無餘上感其恩下懷其惠爾故提舉江州太平興國宮
淮南江東浙西制置使劉錡今特勅封爲揚威侯天曹
猛將之神爾其甸撫黎庶血食一方故勅按此卽神所
受封之始也 國朝雍正十一年奉

上諭自雍正十二年降旨建立劉猛將軍廟以後蝗蝻遂不爲
災若未建造之州縣飭令一體舉行蓋以能爲民禦災
故特列之祀典云

胡安定先生祠道光十七年祠裔胡萱生胡觀時胡增祿
胡永鶴重修

列女祠道光元年祠裔許乾李必成捐修住持盜廢祠產
如臯縣續志 建置 卷一 十五

許乾捐贖祠後廂房三間仍復陳氏原捐田五十畝五
分座落縣東石家甸六角陵租錢二千四百文知
縣托克托布給示勒石

節孝祠嘉慶二十二年知縣王鳳翥率紳士冒弼工石毓
輝石韞畋冒占瀛高衢劉金綸構置育嬰堂舊址擴大
重新繆光奎捐東張家庄田十六畝租錢二十四千叢
乃珽捐田四十八畝租錢三十二千後減租二十八千
八百文內每年撥送恤嫠局租錢十六千文

寺觀

海月寺舊奉大士金像僧道機募修嘉慶丁卯殿被回祿
寺僧界浦誓發洪願普勸佈施僧姪方讚同徒廣譽遠

涉襄陽募金歸里裝嚴色相巍然巨觀寺前溪水環流
六橋烟柳盧志載海月晴雲洵一邑之勝概也

禮斗壇前志載武定橋西一名止靜道院向係高正道倡
建盧頤袁靜袁憲文修乾隆三十五年朱國勛重建前
殿供奉關帝捐東岔河鎮田三十六畝道光四年朱清
洛朱憲等重修前殿袁康袁俊等重修後殿孫晉林捐
施院後金姓房地一所

萬仙樓舊在海月寺對河久圯道光二年復建壻子河北
一在藥王廟內道士姚圓奇徐明遠先後增修

呂祖殿在南門外楊樹巷嘉慶九年恭奉

上諭

如臯縣續志

卷一

建置

十六

欽定燮元贊運匾額通行各省十二年邑人賈載萬蘇雲程
袁俊賈芷亭建造廟宇崇奉神像廟內大殿廳堂書齋
廊房共三十二間廟外園田連基地七畝續置西茶庵
田十畝租錢十一千韓逢甲捐西蔡家庄田十八畝夏
家庄田十六畝五分共租錢三十九千入檔勒石倡首
捐貲袁俊尤爲出力

斗姥宮在南門外康熙間真人姜旦童修真處雍正十年
縣尉李正銳改建乾隆二十三年邑人石文球沈熙純
胡之本黃大鶴修按姜名曰章李家堡人少孤事母至
孝家貧負薪以供甘旨一日曉起坐范公堤上觀初日
出海見黃鶴來翔招之仆地宛若蒲團坐其上豁然心

悟旋有異人呼起覺以天得一以清二語因于名字下各加一畫更名旦童母歿後隱于此嘗作尋源論天然窮源字韻標射反切等法衍先天神數一百卷以天干十字錯綜四字分一萬數歲壬寅黃鶴復來口占一偈飄然坐化弟子宋融念師一生赤足敬以朱履殮之葬於南郊里有從蜀道歸者路遇姜出履示之曰鄙人遨遊山水毋用此履囑其寄回比返詢路遇時卽坐化日也發塚驗之所座一竹杖耳至今奉遺像宮中多靈驗殿宇傾圯道光十七年知縣范仕義倡修

栖霞道院卽前志載禮斗壇在伏海寺西

龍王廟在北門外僧卓然重建觀音殿

如臯縣續志

卷一

建置

十七

三官殿在丁家圩六號乾隆二十年顧廷試褚長齡黃兆仁建修道光十五年貢生何肇周同子監生遐清瑞清獻清議叙八品漣清重修

發角殿在天錫沙壘土爲山上建正殿三楹後樓五間

常樂菴在林梓鎮李家庄尼月朗建能如重修

大王廟在掘港場道光十六年汪桐倡議偕徽西鎮諸商捐貲重修一在高橋港北張自立捐香火田三十二畝

白馬廟在岔河南沙漲河明崇禎年間建

天后宮在掘港場北道光十五年馬求成等重修

文昌閣一在林梓鎮一在豐利場一在掘港場

關帝廟在豐利場北鄧家庄邑紳鄧士英於康熙戊午年

施田三十六畝永奉香火

眞武廟古通眞道院在治東南四十里丁堰初自唐貞觀時明洪武嘉靖間皆道士募修

國朝雍正十二年易今名以僧普緣住持道光十三年七世裔僧本智募捐重建

太陽菴在李家堡康熙十年建僧語眞置杭家庄田二十八畝僧寄閒置拼茶場田三十畝堤外草塘二引

城隍行轅一在李家堡一在石庄鎮

一心菴在東洋蠻河丁康氏夫歿子亡祝髮爲尼法名心誠以住房改建置香火田四十四畝招徒存案勒石

法華菴在潮橋北候選布理問朱允祿獨建大殿朱清源

如臯縣續志

卷一

建置

十八

等修

觀音堂在潮橋北候選布理問朱允祿獨建前殿朱清源等修

報國寺在豐利場土山僧應觀現募重修

於家觀音堂在豐利場北於家庄里人於八愷同子九功等重修大殿施田六十畝永奉香火

古坳大聖廟在豐利場北十八里坳河邊

御書院道光十七年知縣范仕義重修碑亭

西鄉觀音寺李有璉捐基田二畝李雲坤捐香火田四畝

附

包家園在縣東南六十里

曹家堡在岔河南二十里

姚家庄在豐利壩

楊家園在岔河南二十里

季家庄在縣東北二十五里

南城外斗姥宮田產

道光十七年公置西鄉田六畝每年完租錢七千四百

同人又公置南鄉田十四畝每年完租錢七千

馬塘季杜氏施田十二畝每年完租錢四千

白蒲袁馬氏施田二十畝

霜甸王友勝施田四十五畝

護國寺在林梓朱家庄明洪武八年建乾隆五十七年重

如臯縣續志

卷一

建置

十九

修道光元年住持僧竹影月輪協廟董李龍臣朱新甫

增建中殿頭門文昌樓西書房照廳東廂共十一間續

置馬塢庄田八十畝林梓東北田五十八畝永奉香火

乾隆年間營防港水道淤塞經圩董田鴻賓倡捐開濬灌

田四十八圩已載前志其時劉從善李大中尤岐山吳

朝相陳起龍夏名滙馮惟祿楊兆熊陸景繁並城董冒

幹成冒兆鰲捐貲協力督工勸事

如來菴在營防港莊屋圩東首嘉慶丙辰年監生劉從善

增修

關帝廟在李家堡道光十六年道士章教熊募修

準提菴在東門內久圯道光十二年重建

同仁堂在豐利壩邑人張烜潘鎔王暢張城等勸捐施棺
所道光十四年請示在案掘港補遺

天后宮夏之祥等捐草田四十三畝徐王氏同子書紳捐
草田二十畝俱座落岔河北李家河

火星廟在天后宮左

三義閣在分縣署西

二元宮在場東范公堤側

文昌宮在場東北

龍王廟在場東

二賢祠在育嬰堂西祀宋胡父昭公范文正公

石涵洞在豐利場范公堤二十九總埠口乾隆三十一年

如臯縣續志

卷一

建置

二十

里人潘彩華同子岐山併東邑人蔡羹等先後公呈
請開經前督憲高提

請

批准建大閘三門後改涵洞三孔四十七年竣工道光十
六年豐利場廳福壽重修

